



周益公文集第四卷

平園續稿四十四

宋廬陵周益公必大著

銘箴辨

賀德章悅齋

紹熙甲寅三月朔

出見紛華其悅在人學而時習其悅在心澹庵名之誠齋文之子充甫銘之慶氏其承之

靜庵銘

慶元乙卯正月

曾君伯虞年未四十不踐場不入城市力教二字讀書闢一室號靜庵因故人歐陽元鼎索予

銘

周益公文集 十國總和四  
語靜之至何加於坤闕則生物豈勞吾形人生而靜  
毋失其性不出戶庭能定

能應

### 吳氏忠正堂銘

忠則不欺正則不私一門弟兄三聖倚毗雖曰世篤  
亦惟天資嗟爾後人念茲在茲

### 益壯蔚銘

慶元丁巳四月甲子

萬安歐陽豹變字文齋年踰六十而決科之意  
未已名書齋曰益壯請予銘之

伏擬之驥心手掉鞅燎原者火宿則彌壯有勇若人  
併敵一向少固銳於功名晚益堅其好尚事竟成於  
有志剛大亨於無妄然後知楚丘之未始衰而伏波  
之猶可將也

### 桂隱銘

慶元丁巳十二月二十一日

徵猷閣學士向公伯共紹興間歸老薌林龍圖  
閣學士孫公仲益為作銘侈君賜今向公長孫  
文林郎士虎濟美克家可仕而止復於其中增  
植巖桂侑曰桂隱力教六子森然有立請予銘  
之

衆薌之林勿替以引肆其賢孫環桂而隱一椿未老  
六枝其芳昔豆今向清芬相望仕不予身必在厥予

周文公集 卷四 同升桂堂斯道如砥

愚谷銘

慶元庚申二月甲子

庾信小園賦云名為野人之家是謂愚公之谷  
今安福縣鄉貢進士刘江伯深即舊居百餘步  
闕壤疏溪栽花種竹隨其景物為燕息之所異  
時萬卷齋群玉閣併徙以來總目愚谷以慶元  
丁巳居焉予為銘云

惟古愚者其直迂後人反之飾詐有餘日倚市門  
相利而趨暑汗其顏寒粟其膚狗彘蠅虻得綈錙銖自  
以為智鄙哉小夫家我庾信其志則殊字曰子山蓋  
靜者歟谷以愚名言寓其廬四時花木十丈崎嶇數  
竿之竹盈寸之魚樂而賦之名實允孚之子忻墓亦  
新厥居有圖有史可卷可舒有園有畦可植可蔬有  
丘有壑可陟可漁有琴有醪可彈可斟春花秋月夏  
簞冬爐惟適之安聊以自娛庾何人哉晞即其徒試  
叩斯谷愚智何如谷似應聲子也不愚

達齋銘

竹亭二齋左寘歐陽文忠公像叢公著述其間  
即公自銘舍之曰達而銘之

學而上達知我其天歐公稱老聞何與焉

迂齋銘

竹亭二齋右寘司馬文正公像叢公著述其間  
即公自銘舍之曰迂而銘之

為改正名或以為迂溫公曰叟孔之徒歟

坡谷齋銘

黼黻斯文網羅衆作既追先民亦詔後覺設其像卒  
其文為之贊歲庚申

濂伊齋銘

道者大路達迂誠明必欲深造莫如力行

香山樓銘

廬陵南四十里有香城山其名見唐皇甫持正  
所作寺碣峻拔廣袤中一峯尤奇秀彥所謂文  
筆者胡氏世居其下至簡忠公遂以直節修能  
名震當世婦即舊弟築冠霞樓坐致爽氣其孫  
程復為小樓於東求名於予舍曰香山蓋因持  
正之言寓白樂天高致為之銘曰

節彼香城屹然中峯是生秀傑惟忠簡公危言危行  
巖巖兩崇有開聞孫復閣于宮瞻且祖烈推本化工  
崧高降神申甫實鍾錦屏不磨英靈無窮咨爾胡氏  
永氏永亢其宗



馮軫元芳琴銘

辛酉四月

雷氏斲之肇自開元馮氏宝之不知幾傳我非知音  
而理可言心主於內手應手弦故聲和可以仰馬意  
殺形之捕蝉豈特此哉大而歌南風小則治單父舉  
不出於斯焉

箴

送綸丞郡臨川十以箴

慶元丁巳三月戊子

莅官以勤持身以廉事上以敬接物以謙待人以恕  
責已以嚴得衆以寬養知以恬戒謹以獨詢謀以僉  
箴規語女風以戒瞻

吉州司戶廳緩齋箴

慶元庚申二月甲子

戶曹掌州帑廩或行獄訟事 皇族括字仲甫  
甫官廬陵以緩名齋西清揚公首為之銘而前  
進士周某又為作箴

蒙莊著書假緩戲儒吟棗三年佩珙一夫寓言荒唐  
亡是子虛孰如經傳衆說之邾薄征緩刑戕分司徒  
議獄緩死卦畫中孚秦是晉疾和與緩俱上醫命名  
得無異乎掾介諸曹盍及三隅勿以朱博嫉齋之舒  
懼其奮鬣易服走趨當師謝安理發自如豈為強禦  
不遲起居勇義果得抑難此拘能定能應匪亟匪徐

官皆有箴敢敬終初

辨

辨登第金花帖子

王扶押

王扶之孫題跋

祖宗朝進士用唐制禮部侍郎主文中選者以黃花牋  
小帖書其姓名主文花押已即持送之謂之榜帖得  
坐主之科第者號為傳衣鉢端拱二年  太宗皇帝  
第三榜尚書宋公主文弟二人登第科遂以是科付  
吾祖集賢公實傳衣鉢士倫榮之當時金花帖子藏  
於家踰九十年矣熙寧丙辰孟夏臨因閱家牒感泣  
久之既標軸復叙其始末云孝孫皇城使知鄜州軍  
州事上挂國大原國子臨恭題

承協奉硯

右王扶登科榜帖以黃花牋為之故名金花帖子熙  
寧丙辰其孫臨記之矣後九十九年臨之孫奉議義  
民出以示予乃隨其大小摹而藏之按皇宋登科記  
扶實端拱元年程宿榜第二人蓋  太宗皇帝朝第  
六榜而臨三榜且作端拱二年當考淳熙甲午歲十  
月五日東里周某題

題盛京登科小錄

右盛京登科榜帖及小錄其家傳已百八十餘年喬孫寓常之無錫貧不能守而同邑王駉左藏有之駉洪景廬妹夫也故今歸景廬家初景伯丞相作本朝登科記自慶歷後始有小錄 悉書進士鄉貫前乎此惟咸平元年孫僮榜亦然正以常見盛氏所藏耳是遂注云時小錄用綾為之金花帖子誰不知榜帖偶黏於小錄之前本是兩事起可直以小錄為金花帖子耶予既摹其本有烈王臨所記于卷首使覽者無宜為京蓋文肅公度弟其後仕宦至今不絕此錄多公卿題跋姑掇知名者數人附于末淳熙丙午四月十四日周某題

錄洪景廬容齋續筆

唐進士登科有金相傳已久而世不多見予家藏咸平元年孫僮榜盛京所得小錄猶用唐制以素綾為軸貼以金花帖子先列主司四人銜曰翰林學士給事中楊兵部郎中知制誥李右司諫直史館梁秘書丞直史館朱皆押字 書四人甲子年若干某月某日生祖諱某父諱某私忌某日然後書狀元孫僮其所紀與今正同別用高四寸綾闊二寸書盛京二事



四主司花書于下粘於卷首其窺範如此不知以何  
年而廢也但此榜五十人自第一至十四人惟第九  
名劉燁為河南人餘皆貫開封府其下又二十五人  
亦然不應郁人士中選若是之多疑亦外方人寄名  
託籍以為進取之便耳四主司乃楊礪李若拙梁顥  
朱台符皆只為同知舉右洪景盧既得盛氏小錄又  
於容齋續筆十三卷中詳載其事予謂當時所得金  
花帖子止謂高四寸闊二寸書登第人姓名主司花  
押于下者與小錄自不相涉故盛京曾經孫華亦自  
跋云先伯祖登咸平第此金花帖子併黏子前而辨  
景伯丞相誤之今申言之嘉泰壬戌閏臘月戊辰某

再題

周益公文集第五卷

平園續稿四十五

贊

東坡像李伯時作曾無疑藏之命予贊之

辛酉

十一月

龍章鳳姿揮斥八極尺心月脇照映萬物孟子之氣  
壯周之文瞻之在前尚有典刑

徐涇教授求六一先生贊癸亥

我不識公而哀斯文稷言臯謨宋艷班薰四海所宗  
一鄉何有瞻之在前瞻若乎後

又求胡忠簡公贊

春秋尊王外攘夷狄幼學壯行終始惟一凜然英氣  
尚父是匹楬之徂征可却回訖

宗屋公衡真贊

慶元乙卯七月十九日

信厚為質溫恭其儀視此標的盛哉本支

自贊

趙山甫史君為所部七十老叟記顏索贊

慶元乙卯

元亮無適俗韻醉中強釋形神寔我青原臺上不勞  
半道邀迎

友人曾無疑示子真索贊

慶元丙辰

懶逐溪風偶度雲聊同江月戲分身誰知鄭驛多嘉  
客也着青駝一惡人

劉氏兄弟寫予真求贊時年七十

骨相屯氣宇塵濁不盈矐不清視汝形省汝身無古  
心無時名乃久生真幸民

梁光遠以予真着丘壑中慶元乙卯四月十

九日自贊時年七十矣

野岩非汝肖山澤稱吾矐珍重梁高士深知謝幼與  
太和貢士陳誠之記予顏欲寔遠明樓昔白  
傳年七十一寫真詩云鶴毳變綠髮鷄膚換

朱顏子今年適元丙辰六月八日

巍樓必欲稱元龍須寫褒公與鄂公鶴毳鷄膚吾老矣祇宜蓑笠釣船中

慶元丁巳予與伯威歐陽兄德源葛兄三講丙午齊年會德源之子玠繪三壽圖求贊月日皆丙午也

三為衆一曰壽祇康前珠玉後非面朋乃益友松竹鶴同耐久

寧都宰傅子淵薦邑士危正記顏求贊予癸未夏過此邑元祐名士孫志康志舉之姪名

札字宣季年八十三所居號延春谷而二十里間桃林寺有泉焉四月水生八月即竭號過夏泉金精道觀七佛僧巖皆近境勝地今三紀矣慶元戊午十月五日周某書時年七十三

無漢臣之功圖形寧烟無唐人之文寫真集賢昔假途於處化今夢想其山川孫氏延春之谷桃林過夏之泉蔽虧金精之洞坡陁七佛之岩豈無高人若隱士如我白髮與蒼顏雖未能往從之游尚持此真諸其間乎

南城吳氏記予七十三歲之顏

戊午十月丁亥

蟠木離竒病鶴摧頽以若形骸而卜襟懷無才無能不貌不情十日所視人焉瘦哉

聶倅

周臣

寫真求贊

靖康樞臣聶公之孫士友佐郡廬陵兩行州事邦人德之代还臨川反記衰顏使之下語倒至

甚矣題此以約後會

庚申三月丁巳

三年監州再攝州家寘繪像爭借留便當紫綬朝冕疏念我青笠操漁舟携此鼠目而麀頭歸東高閣包春秋他年持節尋舊游却校形容知似不

紹興甲子予特試廬陵辟曹廳是秋失解後六年乃與計偕考官七人今惟提刑少監趙公獨壽而康其子仲肅來為掾即詩人堂之西關小齋記予肄業之所寫真求贊併題二

詩

未冠來隨舉子忙當時已是失林樟而今年貌那堪盡手種堂前樹亦蒼五十餘年一遠庄耕夫雖老未拋荒審言堂上新司戶子厚中書顧十郎

高沙曾

忠佐

良臣築思堂以念親傍關書閣

肖楊誠齋及予像求贊

嘉泰二年正月五日



德行淵騫曾參曷遺蓋生也後其年可推遙華胃  
古今與稽誠齋則賢我愧思齊

蜀儒先楊繪元素釋論語四科云孔子在陳  
年六十三四十六歲則是年方志學或侍父  
暫未必在行且舜大聖二十孝聞參猶未及  
遽許終身可乎此非子游文學比也

游元齡登士寫予真求贊壬午二月十二日  
休誇歲上花相似莫歎年上貌不同閑伴長松與龜  
鶴免將開落問東風

南城吳伸兄弟寫予真求贊壬戌春

方丈蓬瀛早陪群英鳳掖鰲扃中敷帝文晚侍  
嚴宸徧持樞鈞若非精神滿腹則當容貌勤人何欽  
頌而折頷弗走俗而抗塵豈所謂相形不如論心見  
面不如聞名者耶

門客鄭安世寫壽星求贊壬戌春

誰把江西一幸民強摹南極老人星穹龜鹿鶴朋三  
壽伴我松根斲伏苓

趙倅夢槩寫予真求贊

靖康丙午大父倅吉行州事而某生於吳門丁未戊  
申間先公奉使湖湘挈以歸省今七十五年而皇

諸孫德輝由別乘寫還代哀容命之贊壬戌五月望王父  
當年此治中嗟予髻角未成童只今闔郡攀尼軾何  
事偏圖鶴髮翁

英德邵守之網記予哀顏戲題數語壬戌  
使君燕頷虎頭法當萬里封侯宜怕蜀而之廣繪象  
祠於兩州鈴閣雖非麟閣胡畫此彌猴亦如杭人效  
穆仲獻笑於坡代俳優耶

登侍郎張武來求一言因記表顏就以勉之  
德人之容如玉溫其參前倚衡以瞻以儀我愧於是  
將焉取斯所貴者三婦有于師

予乾道中嘗除延平守闔憲皆當赴而改晚  
富沙趣行甚峻亦不果赴今郡人吳茂寫真  
求贊因以遺之壬戌七月

三度除書下七閩勒回深愧北山文勞君為寫山中  
相要與邦人識使君

永豐監稅黃思義寫予真於大椿之下戲題

壬戌秋

鬢髮皤然八十春若為百倍比莊椿藉令十此如彭  
祖亦是鷄窠九世人

張攷仲寅寫予真倚松而立戲贊壬戌

曾陪漢幄運前籌也參分封万户留未問家傳黃石  
法且來閑伴赤松遊

陸務勸之友杜敬叔寫予留真戲題四句他  
日持似務觀一笑壬戌

西百官中識放翁四年上下日相從如今鶴伴山鷄  
舞羞對雲 陸士龍

李卿月子西記予七十七歲之顏求贊壬戌  
太白天才巧後人有時佳句似陰堅我無飯顆吟詩

苦枉被渠謝太瘦生

鄭準廣文赴官九江携子真索贊壬戌臘月甲申

曾為康庖十日番今猶化蝶夢江州憑君五老峯頭  
問負外曾添此老不

吉水贊府王觀時可為平園寫真口占小詩  
癸亥二月戊辰

皓首相逢涉四年君歸鄱水我螺川清風明月思元  
度試寫丹青即儼然

徐教授涇寫予真求贊癸亥  
雖非戚：小人儒豈是堂：大夫夫寫向廣文官舍

裏魏冠為我講唐虞  
一甲子前與齊源李綦儀之游從贛上令其

婿謝幼學傳示哀容為題四句

癸亥三月

早同短李客南康晚識渠家閨王郎自笑頭顱并自  
睫依然如鼠復如麈

山谷自贊云作夢中夢見身外身福唐曾錫  
盛談西湖水晶宮之勝因寫予真用此意題

四句

嘉泰三年七月癸巳

大患都緣有此身笑着身外假為真夢中更作西湖  
夢誰謂先生不到闕

予平生願學中恕既以自勉亦告于人王牒  
正則聞而悅之歸作唯齋九萬里風斯在下

矣寫哀容命之贊

甲子二月庚申

中心為忠如心為恕勉強行之道其殆庶苟憎醜蔑  
之貌惡而廢一言於堂下戶則所謂為之與阿不能  
以寸而相去矣

教官福唐劉季新寫陋質道矣羽客索贊還  
卿福乃提刑臺治僕嘗出使 陛辭而番情

見乎辭

甲子六月

帶山負海都督全閩臨遣繡斧言輟其行夢想樂郊  
或勤宵征令威化鶴會遊遼城

本齋長老祖宏為老兄弟寫真求贊次 七



兄韻

丙辰仲秋

幅巾短褐鴈行秋不照青銅不倚樓今老昔重無異性世間寒暑任迂流

能仁監寺志超為予寫真求贊

丙辰下元日

前生坐下一高僧失脚中元自恣辰

予解夏星

但記本來

真面目何須悔見宰官身

德田上人寫予真求贊

丁巳時年七十二

非律非禪自在身免丁不納沒公憑明知未是龐居士且可題為破戒僧

贛州豐樂長老惠宣寫予真戲贊時年七十

三 戊午十月辛巳

少年日醉鬱孤臺鼎立三禪屢往來豪氣雖存誰復識形容變盡鬢皚皚

青原祖燈監寺屢問予久不入山寫真戲題

戊午臘八日

欲作青原樹格僧傳聞米價逐時增繞腰三篋非難事空腹何能念葛藤

予久欲遊仰山而未暇行者智印寫真求贊

戊午

家居只在仰山傍自笑癡蠅凍守牕也解分身千百億從來一月印千江



安福縣岳興院僧希琦求予真贊

僧妨何事俗塵同  
索我精神何堵中  
有相要知皆是  
望發真那更墮  
虛空

覓報長老道  
謔寫予兄弟  
真求贊次七  
兄韻

已未三月

身凡心聖古盧能  
未著袈裟已是僧  
冷暖自知師莫  
問但看老色幾分增

龍堂院宗慤寫真求贊次七兄韻

結夏

相將尋壑復經丘  
漱石何妨更枕流  
得法龍湏隨七

祖兄弟二人休官即將繼牛頭

同嗣曹溪

予年十四五侍子中  
兄讀書贛州壽量寺  
久之寺為寇燔其後  
子中出守一心之今  
小兒綸又將佐郡它  
日當訪旧遊因主僧  
慈濟寫

真題贊

志學今經六十年  
招題仍對旧山川  
舍威化鶴重來  
日頂似初顏雪被肩

隆興癸未夏余年三十八  
自掖垣奉祠歸  
麻姑山今又三十八年  
而知觀李惟賓綠化

修造至庐陵寫予真求贊

辛酉三月

古觀今猶換采椽  
壯游我合變華鎮  
方平再過憑相

周益公文集 年譜終和五 卷七  
報欲往從之問海田

福壽院僧淨高寫予及子中兄真求贊次子

中韻 辛酉四月

弟兄本自讀儒書晚外形骸付六如摩詰文殊俱默  
默從教似我與非吾

堵叟知庄僧德永寫予真求贊 辛酉十一月

昔方三五少年便作阿婆心切今已八十老翁却學  
小兒口說如何不言不語莫問是同是別只願年豐  
飽喫飯肚皮解了三條幾

祥符長老智華寫予真求贊 壬戌

五蘊皆空四大和合昔者逢場東塗西抹今茲面壁  
有問無答似耶非耶任師指撥

法華院僧祖月寫予真戲贊 壬戌人日

老子七十七到處遮人壁住世更十年化身千百億

僧智印寫乘成平園仰山三人真求贊 嘉泰三年

正月  
甲戌

四海彌天兩誕夸人三為衆轉周遮明知諸相皆虛  
妄妄假為真有甚巴

天慶知觀蕭惟清寫予真求贊 三年二月八日

塵滿形容雪滿頭分無仙骨到瀛州希夷更請傍人

看曾急流中勇退不

廬陵道士羅尚逸能醫眼善奕自湘中歸寫

予真求贊復游湘中

三年七月望日

黃冠多藝從仇仙處士圍棋伴樂天我不即師師即我胡為邀我泛湘舫

清原知藏僧法源寫真求贊

三年臘日

精不槎神不驕鬢任禿顏任凋人擾：而膠：爾寂寂而廖：知壺子其誰何異漁父之堪描往壁觀以默照免室邇而入遙

金牛老德鎧寫平園真求贊

甲子正月庚寅

經傳白馬寺暇金牛祖意西來江人東流何有於我色見因求千帆任過長對沙洲

使臣周允寫平園老叟真於松竹龜鶴間戲

贊

嘉泰辛酉三月乙亥時年七十六

松可以傲霜雪竹可以延風月龜葉而養氣鶴鳴臯而戢翼真閑身於四物聊竊名於五一

使臣宋千齡寫平園老叟真於松竹之間從

以鹿鶴龜求贊

壬戌三月甲申

向來結綬事華勛老去抽簪愛水雲但得松筠無異業何妨鳥獸與同群

提轄官鍾懃及其子可久寫平園真晚蟾倚

桂為生日壽

壬戌秋

元豐壬戌中元之夕仇池飛遷浩歌赤壁今兩甲子  
明月猶昔嘉邇父子記我顏色丹桂婆娑銀蟾皎潔  
愿言水輪常圓罔缺

使臣俞允迪赴洋實稅官寫平園老叟真求

贊

壬戌九月

往來四度過洋鄉斗實誰能辨有亡爾欲常也如對  
我莫增酒課罔征商

予刻文苑英華千卷頗費心力使臣王思恭  
書寫校正用功甚勤因傳於神戲為作贊

甲子

四月旦

倚樹而吟據槁梧自隣爾雅注蟲魚汝曹更作書中  
盡不愧鷗鵬海運歟

使臣李汝發寫平園真求贊

同前

人皆炎熱之愧我愛夏日之長耳百尺之松風挹雙  
沼之荷香髮固知其種也容何事乎堂也尚從遊於  
留候免形自於六郎

直省官李端義求平園真贊

形若性皆天與常用汝不為虎非詩苦廋如許以貌

取失子羽

平園續稿卷第五



